



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

11 Dezembru 2 012

Komemorasaun Loron Mundiál Direitu Umanu; JSMP ejize Parlamentu Nasionál diskute, aprova no promulga esbosu Lei Reparasaun no Institutu Memória Públika

Iha 10 Dezembru 2012, Estadu Timor-Leste komemora Loron Mundiál Direitu Umanu ho Sesaun Solene iha Parlamentu Nasionál ho entrega “Prémium Direitu Umanu Dr. Sergio Viera de Mello”, ba vensedór sira.

Vensedór ba Prémium Direitu Umanu ne’e mak ONG Belun, Prémium ba Direitu Sívil no Polítiku no Fundasaun Fraternidade Franciscana ho Klinika Bairro Pite, Prémium ba Direitu Sosiál, Ekonómika no Kultura. Montante prémium USD10.000.

Partisipante sira iha seremónia ne’e mak Prezidente Repúblika, Deputadu sira Parlamentu Nasionál, Primeiru Ministru ho membru governu tomak, eis Prezidente Repúblika Dr. Jose Ramos Horta, representante sira hosi entidade Estadu sira seluk, Korpu Diplomátiku no Sosiedade Sívil.

Prezidente Repúblika iha nia diskursu hateten katak “*Prémium ne’e hanesan estímulo ida ba ema sira ne’ebé tulun sira seluk hodi hetan moris di’ak*”.

JSMP rekoñese katak ne’e prátika di’ak atu hatudu katak Timor Leste nasaun ne’ebé tane aas valór Direitu Umanu, maibé tuir loloos Estadu nia obrigasaun mak atu aseguira sidadaun hotu-hotu goja sira nia direitu báziku sira ne’ebé konsagra ona iha konstituisaun. Tanba ne’e, enkoraza Estadu atu halo esforsu hotu ne’ebé posivel atu aseguira direitu sira ne’e, dehan Diretór Ezekutivu JSMP Luis de Oliveira Sampaio.

Direitu ba justisa ba violasaun direitu umanu iha pasadu sai nu’udar direitu báziku no fundamentál vítima sira nian. Ne’e duni, JSMP ejize atu Estadu liuhosi Parlamentu Nasionál diskute, aprova no promulga esbosu Lei Reparasaun no Institutu Memória ne’ebé pendente kleur ona.

Atu hetan informasaun kle’an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883/77810637